

recurretis, ejusque judicio quæ vobis sunt gravia terminabitis. Quod si quid forte ipsius quoque judicio nequiverit definiri, ad apostolicam sedem, ut dignum est, velut omnium sedium principem referatur. Qui autem vestrum sine metropolitanis propriis sunt, ipsi interim velut proprio subesse debent. Valete.

## VIII.

*Urbani II epistola ad Hugonem abbatem Cluniensem de primatu collato Ecclesiae Toletanae.*

(Anno 1088.)

[MABILL. ET RUIN., *Ouvr. posth.*, III, 550.]

URBANUS, etc., Hugoni, abbatii Cluniacensi, etc.

Venerabilem fratrem nostrum Bernardum Tolitanæ Ecclesie præsulem tam pro tua postulatione dilectionis, quam pro ipsius reverentia religionis et Teletanae Ecclesie honore reverenter exceperimus. Ipsi etiam ad sedis apostolice et Romanæ Ecclesie ut matris omnium majestatem, quemadmodum dignum est, devote ac simpliciter concurrenti antiqua Ecclesie suæ prout rogasti munimenta concessimus, et privilegii nostri paginam pristina plenam dignitate, libenter indulsimus. Primatem episcoperum omnium, qui in Hispaniis sunt effecimus, et quæque super eo tua nos charitas flagitavit, cum pallii datione contradidimus. Tibi ergo par est amoris nostri studio respondere, et nostris ac Romanæ Ecclesie auxiliis fideliter deservire. Nos enim et præcipua te ac fratres tuos affectione diligimus, et omnia monasterii vestri loca, ubi liberum fuerit, in nostræ specialiter manus protectionem suscipimus; ita ut nec episcopus quilibet, nec legatus, nisi cui a nobis idipsum specialiter injunctum fuerit, præter voluntatem tuam de vestris audent negotiis judicare, salvo tamen jure episcoporum, quod in eis hactenus habuisse noscuntur. Vos ergo nostri semper in omnibus vestris ad Dominum precibus memores sitis; et sicut nos vos et vestra specialiter sovemus, ita vos nos apud Dominum spiritualiter commendare cureatis; nosque ac Romanam Ecclesiam, ubi oportet, et ubi facultas est adjuvetis. Dominus omnipotens sua nos gratia soveat, conservet ac protegat. Amen.

## IX.

*Urbanus II monasterii Cluniensis possessiones et privilegia confirmat, et Hugoni abbatii mitræ, dalmatica chirothecarum, sandaliorum usum concedit.*

(Anno 1088.)

[*Bibliotheca Cluniacensis*, p. 514.]

URBANUS episcopus, servus servorum Dei, Hugoni sanctissimo abbatii Cluniacensi, ejusque successoribus in perpetuum.

Cum omnibus sanctæ filiis Ecclesie ex sedis apostolice auctoritate, et benevolentia debitores existimus, venerabilibus tamen personis atque locis, maxime quæ apostolice sedi semper specialius adhaeserunt ac devotius, quæque ampliori religionis gloria eminent, propensiiori nos convenit charitatis studio imminere. Tibi ergo, sanctissime, reverentissime ac dilectissime frater, tam ex antiquæ sedis

A apostolice familiaritate, quam ex nobilissima tua tuique cœnobii religionis reverentia, singularis a nobis debetur prærogativa dilectionis. Est præterea quod nos tibi non minus, tuoque monasterio faciat debitores, quoniam per te monasticæ religionis rudimenta suscepi. In tuo cœnobia per secundam sancti Spiritus gratiam sum renatus, cui hactenus impensiori gratia Romana Ecclesia dilectionis ac protectio- nis curam impendisse dignoscitur. Quidquid igitur libertatis, quidquid immunitatis, quidquid auctoritatis tibi, tuisque successoribus, tuoque cœnobia, per antecessorum nostrorum privilegia concessum fuisse constat, nos quoque hujus nostri decreti pagina conferimus, tradimus, confirmamus. Hee insuper adjacentes, ut monasterium Sanctæ Mariae de Charitate, monasterium S. Martini de Campis apud Parisios, monasterium Sancti Dionysii apud Nungentum, S. Mariæ de Nazara, S. Gervasii de Exis, S. Mariæ de Arulis, S. Petri de Campo-rotundo, S. Genesii in Elnensi episcopatu, S. Pauli in Valle olei, S. Mariæ de Cubaria, S. Mariæ de Salella, S. Mariæ de Tolosa, S. Trinitatis in Marcianaco, quod tu in aldio proprio æmificasti, nunquam tuo, tuorumque successorum regimini ordinatione subtrahatur. Cætera vero omnia quæ antecessores nostri vestro monasterio privilegia tradiderunt, nos quoque contradicimus atque firmamus. Moisiacense saje cœnobium, in ea, qua nunc est, in posterum libertate permaneat, nisi forte episcopus admiserit, propterea quod ejus debeat ditione privari. Quicunque autem melioris vitæ appetitu, vestrum voluerit advenire cœnobium, libera tibi, tuisque successoribus facultas maneat, secundum tenorem regulæ S. Patris nostri Benedicti eos suscipere. Præterea decernimus atque stabilimus ne quis ultra legatus Romani antistitis vices in vestris partibus agens, absque ipsius licentia vel preceptione, buccam in vos, aut vestra monasteria audeat aperire, vel nisi ad idipsum specialiter dirigatur. Episcopis vero, in quorum dioecesis vestrae sunt facultates, omnino non licet de vestris monachis aut monasteriis judicare. Salvo canonico illo jure, quod in eis hactenus habuerunt. Si quid autem causæ in eos habuerint, te, tuosque successores appellent. Quod si per vos lis nequiverit definiri, ad sedem apostolicam referatur, ejus solius, vel legati ejus judicio definiendum. Tibi plane peculiari devotione concedimus, ut in processionum missarumque solemnibus mitra utaris episcopali. In præcipuis vero festivitatibus, id est in quinque, quas præcipias habetis, et in Theophania, et in Ascensione, nec non et in Dedicacione vestrae Ecclesie, dalmaticam, chirothecas et sandalia induaris. Et hoc ad tuæ religionis evidentiam atque ostensionem nostræ peculiaris dilectionis, quam ex sede apostolica magis meritis exigentibus promereris. Tuam de cetero condebet sanctitatem, quemadmodum ab Romana Ecclesia specialius honoratur, ita ejusdem Ecclesie servitiis et utilitatibus singulariter insudare, quatenus et hactenus vobis ab eadem Ecclesia con-

cessa stabili tenore permaneant, et dignius vestrum sit cœnobium in futuro majoris præmia glorie adipisci.

Datum Romæ per manū Iohannis diaconi sanctæ Romanæ Ecclesiæ, prosignatoris domini Urbani II papæ. Kal. Novemb., indict. xi, anno Domini 1088, pontificatus vero ejusdem domini Urbani papæ primo.

## X.

*Urbani II papæ epistola ad Gothofredum Magalonensem episcopum.* — Substantionensis comitatus, et Magalonensis episcopatus investituram de manu ejus recipit. Quapropter eam Ecclesiam et comitatum sub speciali Romanæ Ecclesiæ protectione ponit, et curam percipiendi censum annum unius unciae auri de predicto comitatu ei demandat.

(Circa annum 1088.)

[D. BOUQUET, *Recueil*, t. XIV, p. 690.]

URBANUS episcopus, servus servorum Dei, GOTHOFREDO Magalonensi episcopo ejusque successoribus in perpetuum.

Universum sanctæ Ecclesiæ corpus miserante Deo, per inigeniti Filii sui Redemptoris nostri sanguinem propria constat et perpetua libertate donatum; sed prævorum hominum astu, pastorum negligētia, quaedam per orbem Ecclesiæ ditioni sunt secularium potestatum addictæ. Supernæ autem miserationis respectu idecirco ad universale sedis apostolice regimē promoti sumus, quatenus debeamus omnibus modis quæ ad eorum spectant salutem et gloriam providere, ut, ab omni servitutis vi.culo liberæ, sua semper libertate gaudeant. Ad hoc autem omnipotens Dominus Romanam Ecclesiam Ecclesiæ matrem principemque constituit, ut ea disponente corrigantur quæ mala sunt, et quæ recta sunt confirmantur. Tibi itaque, frater Gothofrede Magalonensis episcope, Magalonensem Ecclesiam, tuisque successoribus canonicis, sub Romana libertate specialiter permansuram jure perpetuo confirmans; quam nimur Ecclesiam, pastorum qui in illis partibus fuerant, permittente incuria, multis temporibus ex consuetudine nefanda Substantionensis comites sue jugo servitutis attraxerant. At bone memorie comes [Melgoriensis] Petrus, Dei timore compunctus, B. Petro ejusque vicariis ex toto episcopatum reddidit, et scripti actione refutavit; comitatum quoque, qui sui juris erat, sub jure B. Petri ejusque vicariorum per testamenti paginam reliquit, eo videlicet tenore ut haeredes sui Romani pontificis milites fierent, et ex ejus manu comitatum obtinerent: quod si haeredum successio destitisset, sub Romani pontificis ordinatione et Magalonensis cura episcopi haberetur; quin etiam censum Lateranensi palatio persolvendum ob ejusdem haeredibus auri unciam quotannis Instituit. Magalonensis

A igitur episcopatus et Substantionensis comitatus investituram ex manu fraternalis tuæ vice predicti comitis per annulum recipientes, et ejusdem comitatus donationis constituta religiosa firmantes, predictam Ecclesiam atque comitatum sub B. Petri et Romanæ Ecclesiæ protectione specialiter confoyandum suscipimus, salva Narbonensis metropolitani auctoritate ac reverentia, siquidem legitime ordinatus fuerit. Porro ipsam Ecclesiam tibi tuisque successoribus canonice substitutis regendam perpetuo confirmamus, et quæcumque ad Magalonensem episcopatum vel ad fratrum ibi degentium communiam, regum comitumve liberalitatè, vel quorūcunque fidelium oblatione justè hactenus pertinuisse noscuntur, queque in posterum justè poterit adipisci in urbibus et municipiis, in ecclesiis, in d. e. mis, ceterisque redditibus, contradendo contradimus, et praesenti nostri decreti pagina constituimus atque sancimus quatenus nullus omnino sacerdotum aut cuiuslibet ordinis clericorum, nullus imperatorum, regum aut comitum de his quæ eidem Magalonensi Ecclesiae a quibuslibet donata fuerint, vel in futuro donabuntur, sub cuiuslibet causæ occasione, specie minuere vel auferre, vel suis juribus applicare, vel aliis quasi piis causis pro suæ avaritiae excusatione audeat distrahere. Quia vero stepnis contingere solet, ut, invito clero et populo, saecularis potestates nequierint intronizare personas, decernimus atque censemus ut te qui episcopus es, vel tuorum quolibet obeunte, institutione pontificis nullum sibi honorum, nullum fas potestas quilibet arroget saecularis, sedis secundum canonum statuta constituantur, quem clerus et populus gratis communi consilio et sine pravitate elegerit. Præterea fraternali tue tuisque successoribus, quandiu tales fuerint ut sedis apostolice communionem et gratiam habere mercantur, predicti Substantionensis comitatus curam injungimus, ut vos censum annum exigatis. Ad ostensionem autem specialis hujus acceptæ a Romana Ecclesia libertatis, ex episcopatu unam auri unciam quotannis Lateranensi palatio tu tuique successores persolvatis.

Datum Romæ, xix Kal. Januarii, per manum Joannis diaconi sanctæ Romanæ Ecclesiæ præsignatoris D. Urbani II, anno Domini 1088, pontificatus ejusdem D. Urbani prime.

## XI.

*Epistola Urbani II ad Pistoriensem et Rusticum Vallis Umbrosæ abbates.* — *De Wezelone (9) Mungantino archiepiscopo ob simoniam deposito.*

(Circa an. 1088.)

[MANSI Concil. XX, 664.]

URBANUS secundus papa Pistoriensi et RUSTICO Vallis Umbrosæ abbatis.

Quæ cum hactenus nullibi impressa fuerit, et quamdam de simonia decretalem constitutionem contineat, dignam judicavi quæ in lucem emitteretur. Hic Guezcelo, ut bene notandum esse monuit dictus dominus Picardus, idem est quem passim Urspergensis abbas nuncupat Wicelonem Sigefredi

(9) Guezelonem hæreticum suisse. Hanc epistolam Urbani secundi papæ ex manucripto bibliothecæ Sancti Victoris Parisiensis cum aliis plurimis, de quibus supra descriptam misit excludendam reverendus dominus Joannes Picardus Sancti Victoris Parisiensis ecclesiæ sæpe dictæ canonicus regularis.